



Broj: 06-05-SI/16  
Sarajevo, 26.01.2016. god.

146

**SKUPŠTINA KANTONA SARAJEVO**  
**- OVDJE -**

**Zastupnik Hamed Aljović**

27-01-2016

**Predmet:** Odgovor po upitu, dostavlja se

Poštovani,

Poznao je da ste pred usvajanje Budžeta Kantona Sarajevo za 2016. godinu amandmanski zataržili uvrštavanje nove budžetske stavke u okviru Ministarstva za boračka pitanja Kantona Sarajevo, pod nazivom „Sredstva za dodjelu pomoći za otplatu poljoprivrednih kredita boračke populacije“ u iznosu od 100.000 KM.

Ministri Vlade Kantona Sarajevo su upoznati sa ovom inicijativom i istu su podržali te predviđeno da se u narednom periodu obezbijede sredstva u iznosu od 60.000 KM za ovakve namjene, pri čemu nije bilo mogućnosti da se intervencija izvrši na Budžetu za 2016. godinu jer je isti već bio zaključen.

Problem nevraćenih kredita za otvaranjem ovih radnih mjesta opterećuje rad Ministarstva za boračka pitanja duži niz godina, s obzirom da je najveći broj ovakvih kredita plasiran do 2000. godine, a veliki dio korisnika je u probleme došao zbog vanjskih okolnosti.

Svi slučajevi koji su dospjeli za naplatu su utuženi od strane komisijih banaka ili Pravobranilaštva Kantona, pri čemu je prema ranijim podacima od 627 utuženih subjekata 89 su bili poljoprivredni proizvođači (stočari).

Značajan dio lica se nalazi u teškoj socio-ekonomskoj situaciji i svakako je potrebno iznaći načine da se najugroženijim pomogne u regulisanju duga, uključujući programe, pomoć za vraćanja i drugo, pa i otpis u opravdanim slučajevima.

Naime Skupština Kantona Sarajevo je u 2013. godini razmatrala i prihvatila Izvještaj o stanju pozajmica odobrenih za finansiranje programa za pokretanje ili proširenje proizvodno-uslužnih djelatnosti koje obavljaju demobilisani pripadnici Oružanih snaga BiH, koji imaju potraživanja po osnovu neisplaćenih plaća pripadnika Oružanih snaga BiH, sa prijedlogom mjera za rješavanje nenaplaćenih potraživanja.

Prema izvještaju je predloženo da se sa onim korisnicima koji imaju mogućnost vraćanja postigne sporazum o reprogramu uz obustavu daljih postupaka, kao i otpis zakonskih (zatezних) kamata, odnosno ponude stimulatívne, ali i represívne mjere.

Predviđeno je da se za korisnike novčanih pozajmica, kod kojih se i nakon poduzimanja svih mjera utvrdi da su njihova dugovanja prema Kantonu Sarajevo nenaplativa ili je nadležni Sud u izvršnom postupku obustavio izvršenje, u skladu sa članom 8. stav 2. Zakona o imovini Kantona Sarajevo (“Službene novine Kantona Sarajevo”, broj 6/97 i 9/98 – Presuda Ustavnog suda Federacije BiH), Skupštini Kantona Sarajevo predložiti: Odluku o otpisu nenaplativih





potraživanja, odnosno Odluku o prenosu ovlaštenja Vladi Kantona Sarajevo za otpis nenaplativih potraživanja, pri čemu bi Vlada Kantona Sarajevo Skupštini Kantona Sarajevo dostavljala godišnje izvještaje o izvršenom otpisu.

Ministarstvo za boračka pitanja je i do sada prema individualnim zahtjevima izlazilo u susret ovakvim licima.

U ovom periodu fokus je bio na licima koji su se obraćali Ministarstvu za boračka pitanja sa zahtjevom za rješavanje problema sa nevraćenim kreditom (često nakon pokretanja postupka prinudne naplate) uz konkretan prijedlog (plaćanje cijelog duga u cilju otpis zateznih kamata, početak plaćanja duga prema realnim mogućnostima uz predviđeni reprogram i obustava u postupka i drugo).

S obzirom na resurse Ministarstva, te činjenicu da praktično cjelokupna dokumentacija koja se odnosi na kredite za zapošljavanje uništena u požaru u februaru 2014. godine, sve ove aktivnosti teku dosta usporeno i otežano. Takođe, s obzirom da još uvijek nije formirana namjenska pozicija, ne može dati općenit stav niti smjernice o načinu rješavanje pojedinačnih slučajeva, ali sugeriramo da se zainteresirana lica jave direktno u Ministarstvo za boračka pitanja te prezentiraju konkretne slučajeve uz eventualno viđenje rješavanja njihovog problema, jer će Ministarstvo nastojati da konkretne slučajeve riješi na obostrano zadovoljstvo.

S poštovanjem,



**DOSTAVITI:**

1. Skupština Kantona Sarajevo putem Stručne službe Vlade Kantona Sarajevo.
2. Evidenciji
3. Arhivi

27 -01- 2016

